



Llywodraeth Cymru  
Welsh Government

**Pecyn gwybodaeth i ymgeiswyr**

# **Y Pwyllgor Llifogydd ac Erydu Arfordirol**

## **Penodi Cadeirydd**

**Dyddiad Cau: 12 Medi 2017**

# Y Pwyllgor Llifogydd ac Erydu Arfordirol

**Cynnwys**

Tudalen

**Gwneud Cais**

**Atodiad A: Rôl y Cadeirydd**

**Atodiad B: Rôl a chyfrifoldebau'r Pwyllgor Llifogydd ac Erydu Arfordirol**

**Atodiad C: Y broses ddethol**

## Y Pwyllgor Llifogydd ac Erydu Arfordirol

### Gwneud cais

Diolch am fynegi diddordeb yn y penodiad i fod yn Gadeirydd y Pwyllgor Llifogydd ac Erydu Arfordirol. Bydd y cadeirydd newydd yn arwain y Pwyllgor ac yn cyflawni cyfrifoldebau cyffredinol y Pwyllgor i roi cyngor i Ysgrifennydd y Cabinet dros yr Amgylchedd a Materion Gwledig. Mae'r Atodiadau sydd ynghlwm yn rhoi manylion ynghylch rôl y cadeirydd a manyleb y person, rôl a chyfrifoldebau'r Pwyllgor Llifogydd ac Erydu Arfordirol a'r broses ddethol.

I wneud cais ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-643606d0a1d8/candidate/jobboard/vacancy/7/adv/>

I wneud cais am y rôl hon, cliciwch ar swydd wag Cadeirydd y Pwyllgor Llifogydd ac Erydu Arfordirol ac yna cliciwch y botwm 'Gwneud Cais' ar waelod y dudalen ar yr ochr chwith. Y tro gyntaf ichi wneud cais am swydd, bydd angen ichi lenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy eich cyfrif.

Unwaith ichi gofrestru, byddwch yn gallu cael mynediad at y ffurflen gais. I wneud cais bydd angen ichi lanlwytho datganiad personol a CV i adran 'Rhesymau dros ymgeisio' y ffurflen gais ar-lein.

### Datganiad Personol

Eich datganiad personol yw eich cyfle i ddangos sut yr ydych yn bodloni'r holl feini prawf a nodir ym manyleb y person. Cewch chi benderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae eich gwybodaeth a'ch profiadau yn cyd-fynd â phob maen prawf, ac sy'n disgrifio eich swyddogaeth chi wrth gyflawni canlyniad penodol. Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae'n arfer cyffredin darparu paragraffau ar wahân mewn perthynas â phob maen prawf.

Ni ddylai'r datganiad personol fod yn hwy na dwy dudalen. Gallai eich cais gael ei wrthod os byddwch yn mynd dros y terfyn hwn.

### CV

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd hon. Nodwch unrhyw benodiadau Gweinidogol presennol neu flaenorol.

### Amserlen Fras

Dyddiad cau:	29 Awst 2017
Llunio rhestr fer:	wythnos yn cychwyn 18 Medi 2017
Cyfweliadau:	wythnos yn cychwyn 16 Hydref 2017

### Datganiad am Amrywiaeth

Mae Llywodraeth Cymru yn credu y dylai cyrff cyhoeddus gael aelodau bwrdd sy'n adlewyrchu cymdeithas yng Nghymru – pobl o bob cefndir - i'w helpu i ddeall anghenion pobl a gwneud penderfyniadau gwell. Dyma pam mae Llywodraeth Cymru yn annog ystod eang ac amrywiol o unigolion i wneud cais am benodiadau i gyrrff

## Y Pwyllgor Llifogydd ac Erydu Arfordirol

cyhoeddus. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

### **Cynllun Gwarantu Cyfweliad – Yn Gadarn o Blaid Pobl Anabl**

Mae Llywodraeth Cymru yn gweithredu cynllun Cadarn o Blaid Pobl Anabl ac yn croesawu ceisiadau gan bobl sydd ag anableddau. Mae'r cynllun hwn yn sicrhau cyfweliad i bobl sydd ag anableddau os byddant yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol y gall fod ei angen arnoch os cewch wahoddiad i gael cyfweliad.

### **Manylion Cyswllt:**

I gael rhagor o wybodaeth am y broses ddethol, cysylltwch â:

Y Ganolfan Cydwasanaethau Corfforaethol

Ffôn: 029 2082 5454

E-bost: [DesgGymorthCydwasanaethau@cymru.gsi.gov.uk](mailto:DesgGymorthCydwasanaethau@cymru.gsi.gov.uk)

I gael rhagor o wybodaeth am rôl y Pwyllgor Llifogydd ac Erydu Arfordirol a rôl y Cadeirydd, cysylltwch â Richard Williams/Angela Smith:

Ffôn: 03000 628692

E-bost: [Floodcoastalrisk@cymru.gsi.gov.uk](mailto:Floodcoastalrisk@cymru.gsi.gov.uk)

Os oes angen rhagor o gymorth arnoch chi i wneud cais am y rôl hon, cysylltwch â Desg Gymorth Canolfan Cydwasanaethau Corfforaethol Llywodraeth Cymru ar 029 2082 5454 neu anfonwch e-bost i [DesgGymorthCydwasanaethau@cymru.gsi.gov.uk](mailto:DesgGymorthCydwasanaethau@cymru.gsi.gov.uk)

I gael rhagor o wybodaeth am Benodiadau Cyhoeddus yng Nghymru, ewch i [www.llyw.cymru/penodiadaucyhoeddus](http://www.llyw.cymru/penodiadaucyhoeddus)

### Penodi Cadeirydd y Pwyllgor Llifogydd ac Erydu Arfordirol.

#### Disgrifiad o'r rôl a manyleb y person

##### Rôl a chyfrifoldebau

Prif gyfrifoldeb y Cadeirydd yw arwain y Pwyllgor a chyflawni cyfrifoldebau cyffredinol y Pwyllgor i roi cyngor i Ysgrifennydd y Cabinet dros yr Amgylchedd a Materion Gwledig. Er mwyn ysgogi, arwain ac ysbrydoli eraill i ddefnyddio eu sgiliau i sicrhau'r effaith orau, bydd angen ichi feddu ar brofiad o reoli perygl llifogydd ac erydu arfordirol a gwybodaeth am y dulliau rheoli hynny ar lefel genedlaethol a rhyngwladol, yn arbennig yng Nghymru. Yn ogystal â rhoi arweiniad i'r Pwyllgor, bydd angen ichi ddatblygu consensws ymhlith y Pwyllgor ar lunio argymhellion i Ysgrifennydd y Cabinet dros yr Amgylchedd a Materion Gwledig a chynrychioli'r Pwyllgor mewn cyfarfodydd gydag Ysgrifennydd y Cabinet a phobl bwysig eraill yn ôl y gofyn.

##### Manyleb y Person

Er mwyn cael eich ystyried, rhaid ichi allu dangos bod gennych y rhinweddau, y sgiliau a'r profiad i fodloni pob un o feini prawf hanfodol y rôl.

##### Meini Prawf Hanfodol

###### *Arbenigedd*

- Dealltwriaeth dda a gwerthfawrogiad o'r ddeddfwriaeth sy'n ymwneud â rheoli perygl llifogydd ac erydu arfordirol yng Nghymru;
- Dealltwriaeth dda a gwerthfawrogiad o rolau a chyfrifoldebau rhanddeiliaid sy'n ymwneud â llifogydd ac erydu arfordirol yng Nghymru;
- Profiad o ddylanwadu ar sut y mae polisïau'n cael eu datblygu a bod y profiad hwnnw wedi'i feithrin yn y sector preifat, cyhoeddus neu wirfoddol;
- Dealltwriaeth o amcanion rheoli perygl llifogydd ac erydu arfordirol yng Nghymru.

###### *Sgiliau ac Ymddygiad*

- Rhinweddau arwain da, gan gynnwys y gallu i ysgogi, arwain ac ysbrydoli eraill;
- Sgiliau cyfathrebu effeithiol a dylanwadol, gan gynnwys y gallu i wrando'n astud, chwilio am wybodaeth a gofyn cwestiynau i sicrhau eich bod yn deall pryderon pobl eraill;
- Y gallu i reoli perthynas yn dda, gan gynnwys y gallu i sefydlu a chynnal perthnasau gwaith cadarnhaol gyda rhanddeiliaid allweddol;
- Dealltwriaeth dda o gydraddoldeb ac amrywiaeth ac ymrwymiad iddynt.

##### Y Gymraeg

Nid yw sgiliau Cymraeg yn ofynnol er mwyn cyflawni'r rôl fel Cadeirydd y Pwyllgor Llifogydd ac Erydu Arfordirol gan y bydd rhai o aelodau eraill y Pwyllgor yn meddu ar y sgiliau hynny.

## Y Pwyllgor Llifogydd ac Erydu Arfordirol

### Ffeithiau allweddol am y swydd

Leoliad:	Gallai'r Cadeirydd fod wedi'i leoli unrhyw le yng Nghymru
Ymrwymiad Amser:	Tua 3 diwrnod y mis. Rydym yn disgwyl cynnal 2-3 o gyfarfodydd y Pwyllgor craidd bob blwyddyn gydag amrywiol gyfarfodydd yr is-bwyllgorau yn cael eu cynnal yn ôl disgrisiwn y Pwyllgor.
Hyd y penodiad:	Penodiad o dair blynedd yn y lle cyntaf.
Taliad Cydnabyddiaeth:	£225 y dydd a chostau teithio a chostau rhesymol eraill.

### Gwrthdaro buddiannau

Bydd gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Cadeirydd y Pwyllgor Llifogydd a Rheoli Arfordirol, gan gynnwys buddiannau busnes neu swyddi o awdurdod y tu allan i'ch rôl o fewn y Pwyllgor Llifogydd a Rheoli Risg.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd disgwyl ichi hefyd ddatgan y buddiannau hyn ar gofrestr sydd ar gael i'r cyhoedd.

### Safonau mewn bywyd cyhoeddus

Bydd disgwyl ichi ddangos safonau uchel o ran ymddygiad corfforaethol a phersonol. Bydd gofyn i'r holl ymgeiswyr llwyddiannus gydymffurfio â Chod Ymddygiad Aelodau Byrddau Cyrff Cyhoeddus. Gallwch weld y ddogfen yma:

<http://www.bl.uk/aboutus/governance/blboard/Board%20Code%20of%20Practice%202011.pdf>

## **Rôl a chyfrifoldebau'r Pwyllgor Llifogydd ac Erydu Arfordirol**

### **Cefndir**

Mae Adran 81(1) o Ddeddf yr Amgylchedd 2016 yn rhoi'r pŵer i Weinidogion Cymru sefydlu Pwyllgor Llifogydd ac Erydu Arfordirol (y Pwyllgor).

### **Rôl y Bwrdd**

Diben y Pwyllgor yw cynghori Gweinidogion Cymru ar bob mater sy'n ymwneud â rheoli llifogydd ac erydu arfordirol yng Nghymru, gan gynnwys codi ymwybyddiaeth, paratoi a sicrhau bod y gymuned yn gallu gwrthsefyll llifogydd. Bydd y Pwyllgor yn darparu lefel uchel o gyngor ar sut y mae'r perygl o lifogydd ac erydu arfordirol yn cael ei reoli yn strategol yng Nghymru, gan weithio'n agos gydag Awdurdodau Rheoli Risg a Llywodraeth Cymru.

Rhagwelir y bydd y Pwyllgor yn sefydlu ei raglen ei hun o weithgarwch cynghori a allai adlewyrchu'r blaenoriaethau cenedlaethol presennol a thymor hir, gan gynnwys ymateb i ymgynghoriadau, nodi anghenion ymchwil ac amlygu'r arferion gorau a welir yng Nghymru ac mewn mannau eraill.

### Y broses ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweiliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Sicrhewch eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Bydd y panel dethol dan gadeiryddiaeth Jasper Roberts, Pennaeth yr Is-adran Effeithlonrwydd Dŵr, Gwastraff ac Adnoddau, a Llifogydd, Llywodraeth Cymru, a bydd hefyd yn cynnwys Carys Clarke, Pennaeth Nawdd, Llywodraeth Cymru a Neville Rookes o Gymdeithas Llywodraeth Leol Cymru fel Aelod Annibynnol o'r Panel.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar restr hir cyn cael ei roi i'r panel sy'n llunio rhestr fer i'w ystyried. Dylech fod yn ymwybodol efallai na fydd eich cais yn cael ei ystyried yn llawn gan y panel cyfan mewn sefyllfa fel hon.

Rydym yn rhagweld y bydd y panel wedi penderfynu yn ystod mis Medi 2017 pwy fydd yn cael eu gwahodd i gyfweiliad yn ystod mis Hydref 2017].

Dim ond yr ymgeiswyr cryfaf a fydd, ym marn y panel wedi dangos eu bod yn bodloni orau y meini prawf a nodwyd yn adran manyleb y person fydd yn cael eu gwahodd i gyfweiliad. Fodd bynnag, os ydych wedi ymgeisio o dan y cynllun gwarantu cyfweiliad, a'ch bod yn bodloni'r meini prawf hanfodol ar gyfer y swydd, cewch chithau hefyd eich gwahodd i gyfweiliad.

Os cewch eich gwahodd i gyfweiliad ac nad yw'r dyddiad eisoes wedi'i nodi yn y pecyn gwybodaeth hwn, ein nod yw rhoi cymaint o rybudd â phosibl ichi o ddyddiad y cyfweiliad. Os na allwch fod yn bresennol ar y dyddiad hwnnw, fe wnawn ymdrechu i aildrefnu ond efallai na fydd hyn yn bosibl oherwydd cyfyngiadau amser o fewn yr amserlen benodi neu argaeledd y panel dethol.

Fe gewch e-bost gan y system benodi i roi gwybod ichi a ydych wedi eich gwahodd i gyfweiliad ai peidio. Ein bwriad yw cynnal cyfweiliadau yng Nghaerdydd.

Os cewch eich gwahodd i gyfweiliad, bydd y panel yn eich holi ynghylch eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a osodwyd ar gyfer y swydd ai peidio.

Bydd yr ymgeiswyr y bydd y panel yn credu sy'n addas i'w penodi yn cael eu hargymell i'r Gweinidogion, a fydd yn gwneud y penderfyniad terfynol. Gall y Gweinidog ddewis cyfarfod â'r ymgeiswyr hyn cyn gwneud penderfyniad. Os felly,



## Y Pwyllgor Llifogydd ac Erydu Arfordirol

bydd yn cyfarfod â'r holl ymgeiswyr ym mhresenoldeb cadeirydd y panel neu ei gynrychiolydd enwebedig. Bydd bwlich amser rhwng y cyfweiliad a'r penderfyniad penodi terfynol. Bydd yr ymgeiswyr a gafodd eu cyfweild yn cael yr wybodaeth ddiweddaraf.

Os byddwch yn llwyddiannus, cewch lythyr yn eich penodi'n Gadeirydd y Pwyllgor Llifogydd ac Erydu Arfordirol, a fydd yn cadarnhau telerau'r penodiad.

Os na fyddwch yn llwyddiannus yn dilyn eich cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech er mwyn ymgeisio am rolau, ac felly mae rhoi adborth yn rhan werthfawr o'r broses. O ganlyniad, bydd y llythyr yn cynnwys manylion yr unigolyn y gallwch gysylltu ag ef i gael adborth ar eich cyfweiliad a'ch cais, os dymunwch wneud hynny.

### Ymholiadau

Oes gennych gwestiynau am eich cais, cysylltwch â Desg Gymorth y Ganolfan Cydwasanaethau Corfforaethol ar 029 2082 5454 neu [DesgGymorthCydwasanaethau@cymru.gsi.gov.uk](mailto:DesgGymorthCydwasanaethau@cymru.gsi.gov.uk).

### Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd y deliwyd â'ch cais, cysylltwch â Desg Gymorth y Ganolfan Cydwasanaethau Corfforaethol ar 029 2082 5454 neu anfonwch e-bost i [DesgGymorthCydwasanaethau@cymru.gsi.gov.uk](mailto:DesgGymorthCydwasanaethau@cymru.gsi.gov.uk).